



ILEQQUSUMIK KOMMUNALBESTYRELSEP
ATAATSIMIINNERA 08. August 2013 09.00

Peqataasut:

Ole Dorph	S
Jess Svane	S
Kristian Jeremiassen	S
Enok Sandgreen	S
Palle Jerimiassen	S
Jens Danielsen	S
Bernhardt Olsen	S
Kristian Broberg	S
Ole Danielsen	S
Ole InûsutoK' Frederiksen	S
Jens Imanuelsen	S
Jørgen Kruse	S
Thimothæus Petersen	S
Bendt Broberg Kristiansen	IA
Peter Olsen	IA
Hans Aronsen	IA
Ane Hansen	IA
Jens Vetterlain	IA
Masauna Peary	A
Knud Kristiansen	A
Naja Petersen	A

Najuuttut:*Takkuttut/Tlf.-kut/Sinniisussat*

Imqarniliortut: Lars Lennert Sandgreen / Thomas Wiemann
Immikkut aggersakkat: Qullersaqarfik
Ingerlanneqarnera: Ilulissat, telefonikkut ataatsimiinnertut

KOM	QULEQUTAQ	Tapil
13-1034	Sulianik nalimmassaaneq 2013	001
13-1035	Suliffeqanngikkallarnermi napparsimanermilu ikiorsiissutinik misiligutaasumik qitiusumit tunniussisarnerup atuutilivitsinneqarnissaa.	002
13-1036	Allaffissornikkut nutaamik aaqqissuusseqqinnissamut oqallisissiamut tapiliussaq, innuttaasunik sullissivik.	003
13-1037	Qaasuitsup Kommuniani bundgarnersorneq pillugu ileqqoreqqusaq.	004
13-1038	Kommunit nakkutilliisoqarfianniit nalunaarusiaq	005
	Ilisimatitsissutit	
	Ilaasortat siunnersuutaat ataatsimiittitaliani allattoqarfimiilluunniit suliareqqitassat	
	Ilaasortat apeqquteqaataat allattoqarfimmit akisat	
	Immikkoortut matoqqasut	

Sammisaq	Oqaluuserisassat akuerineqarnerat
-----------------	--

Aalajangiussaq:

Suliaq nr.	KOM 13-1024	Bilag nr.	001	Journal nr.	06.03.00
Samminaq	Sulianik nalimmassaaneq 2013				

Naatsumik nassuiaaneq

Kommunep aningaasaataasa tigorianaat ineriartorneri 2013-imi suliassanut pisarialimmik nalimmassarneqartariaqarpoq. Aningaasaqarnermut ataatsimiititaliap 10.juli 2013-imi ataatsimiinnermini aalajangerpaa ataatsimiititaliat ataavartut suliassaminnik nalimmassaanissaanik peqquniarlugit kommunalbestyrelsep 8.august 2013-imi ataatsimiinnissaq sioqqullugu. Aningaasaqarnermut ataatsimiititaliap ataavartumik ataatsimiititaliat suliaat eqqartorsimavaat 5. august 2013, tamannalu toqqammavigalugu kommunalbestyrelsemut manna innersuut saqqummiullugu.

Suliap saqqummiunneqarnera

Ukiunut 2013-mut naatsorsutit inernerinik aqutsisoqarfiup ilimagisai naapertorlugit ukiup sinneranut suliat nalimmassarneqassanngippata karsimi 22 mio. koruuninik nikingassuteqassapput. Karsimi taamatut niki-ngasoorneq ima paasineqassaaq: 31.december 2013-imi karsimiittuutit 45 mio. koruuniunissaat naatsorsuutigineqarpoq. Ukiut siuliini misilittakkat takutippaat karsimiittuutit 60 mio.koruuniunissaanik pisariaqartitsoqartartoq januarimii qaammatit pingasut siulliit aningaasartuutit matussutissaannik peqartoqartariaqartarmat

Aningaasaqarnermut ataatsimiititaliaq ulloq 10.juli ataatsimiinnermini taamattumik aalajangerpoq ataatsimiititaliat ataavartut 2013-imi naatsorsuutini kisitsisit ilimagisamit 15 mio. koruuninik nalilinnik suliassat nalimmassartariaqaraat, ilanngussami takuneqarsinnaasut, taamaalilluni aningaasat tigorianaatit (karsimiittuutit) ukiup naanerani +60 mio. koruuninngortinneqassapput +45 mio. koruuniunatik. Ataatsimiititaliat ataavartut killiffimminnik nassuiaateqassapput. Taakku saniatigut atorfiit inuttalersorneqaqqittarneri ingerlaavartumik nalilersorneqassapput. Sanaartorneq eqqarsaatigalugu 2013-imut missingersuutini ikilisaqqittoqassanngilaq; ilanngussaq 10.juli 2013-meersoq naapertorlugi.

Ataatsimiititaliat ataavartut tamanna tunngavigalugu maanna killiffimminnik nalunaarusiartik nassiussimalereerpaat, **immikkut ittumik aningaasaliussutissatut kissaatitik** aamma **allattuiffitik**, suliassat aalajangersimasut nalimmassarneqarsinnaasut siunnersuutaat tassani takuneqarsinnaapput. Allattuiffik 2012-imi naatsorsuutininik aamma 2013-imut missingersuutininik ima takussutissiarineqarpoq:

Konto	Allaaserinnineq	2012-mut naatsorsuutit	2013-mut missingersuutit	2013-imi inernerussatut ilimagisaaq ulloq 10. juli 2013-mi	Allattaavik (immikkut ittumik aningaasaliussutit+ suliat nalimmassakkat)	2013-mut missingersuutit + allattaavik
1	Allaffissorneq	183.094	174.091	181.179	20.290	194.381
2	Teknikeqarfik	50.155	49.157	51.927	2.770	51.927
3	Suliffissarsiuussisarfik	46.633	49.110	44.694	-2.000	47.110
4	Isumaginninneq	380.714	364.385	387.579	25.670	390.055
5	Kultur aamma ilinniartitaaneq	373.469	385.067	394.729	-3.922	381.145
6	Pilersuineq	8.434	3.955	4.706	751	4.706
Katillugit	Ingerlatsinermut aningaasartuutit	1.042.499	1.025.765	1.064.814	43.559	1.069.324
7	Sanaartorneq	45.739	44.500	41.005	0	44.500
Katillugit	Ingerlatsineq aamma sanaartornermut aningaasartuutit	1.088.238	1.070.265	1.105.819	43.559	1.113.824
8	Isertitat	-1.101.817	-1.115.286	-1.125.387	-10.101	-1.125.387
Katillugit	Killiffik sioqqullugu inernerit	-13.579	-45.021	-19.568	33.458	-11.563
9	Killiffik	-2.725	44.610	41.610	-3.000	41.610
Katillugit	Ukiunut naatsorsuutit inernerit 1 - 9	-16.304	-411	22.042	30.458	30.047
9	Karsimiittut, aallartinnerani	50.744	67.048	67.048		67.048
Katillugit	Karsimiittuutit, naanerani.	67.048	67.459	45.006		37.001

Allattuivimi takuneqarsinnaapput ataatsimiititaliat atavaartut ataasiakkaarlutik immikkut ittumik aningaasaliiffigi-neqarnissaminnik kissaataat aamma suliat nalimmassarneqarnissaat, taakku ilanngussami takuneqarsinnaapput.

2013-mi naatsorsuutit inernissaatut ilimagisaaq ataatsimiititaliat ataavartut suliassaminnik nalimmassaanerisa allattorneqareerneranni takuneqarsinnaavoq karsimiittuutissatut ilimagisat -30.047.000 koruuniussasut, tamanna ima paasineqassaaq ukiup naanerani aningaasat tigorianaat +37.001.000,00 koruuniussasut. Aningaasaqarnermut ataatsimiititaliap 10.juli 2013-imi ataatsimiinnermini aalajangiussaannit 60 mio. koruuniussasut 22.999.000,00

koruuninit ikinnerussapput. Taamaattumik 23 mio. koruunit naliginut suliassat nalimmassaqqinneqarnissaat pisariaqarpoq.

Aningaasaqarnermut ataatsimiititaliap 5. august 2013 ataatsimiinnermini isumaqatigiipput suliaq kommunalbestyrelsemut saqqummiunneqassasoq 8. august 2013 atatsimiinnerani. Kommunalbestyrelsip isummersoreerpat suliaq nangeqqinneqarsinnaavoq, ukiup sinneranutnaleqqussaaneq kiisalu 2014-mut missingersersuut eqqarsaatigalugu.

Sulisunik atuineq


Ataatsimiititaliat ataavartut suliassaminnik nalimmassaanerisa allattorsimaffianni atorfiit arlaannaanilluunniit atorunnaarsitsinissaq siunniunneqarsimangilaq.

Siunissami nalimmassaanissaq

Aningaasat tigoriaannaat pigineqarnissaat qulakkeerniarlugu aammaarluni nalimmassaasoqarnissaa pisariaqarpoq. Taamaattumik ataatsimiititaliat ataavartut nalimmassaqqinnissaminnik piuaaffigineqassapput; suliat imaluunniit atorfiit pineqaraluarpataluunniit.

Aningaasat tigoriaannaat ineriartorneri – ilisimatitsissutitut

2013-imi aningaasat tigoriaannaat missingersuutaasimasunit pitsaanerusumik ineriartorput. Junip naanerani karsimiittutit 53.063.000 koruuniupput, missingersuutaasimasunit 21.958.000 koruuninit amerlanerupput. Aningaasat tigoriaannaat ukiuni kingullerni qaammammoortumik ineriartorneri uani aamma takuneqarsinnaapput:



Inassuteqaat:

Aningaasaqarnerup inassisimanera aallaavigalugu Aningaasaqarnermut ataatsimiititaliap Kommunalbestyrelsimut inassutigaa uku akuereqqullugit:

- Ilanngussami immikkut ittumik aningaasaliissutissatut kissaatigisat aamma suliat nalimmassarneqarnerisa allattorsimaffiat akuerineqassasoq
- Ataatsimiititaliat ataavartut aammaarlutik nalimmassaqqinnissaminnik piuaaffigineqassasut; 2013-imi ukiup sinneranut kiisalu 2014-imumu missingersuutit eqqarsaatigalugit.
- Aqutsisoqatigiit piuaaffigineqassasut pisariaqartumik iliuseqassasut aamma atorfinnik atorunnaarsitsinissaq eqqarsaatigalugu.

Aalajangerneq:



Suliaq nr.	KOM 13-1025	Bilags nr.	002	Journal nr.	02.00
Qulequtaq	Suliffeqanngikkallarnermi napparsimanermilu ikiorsiissutinik misiligutaasumik qitiusumit tunniussisarnerup atuutilivitsinneqarnissaa.				

Uteqqiineq:

Suliffeqanngikkallarnermi Napparsimanermilu ikiorsiissutit tunniunneqartartut (arbejdsmarkedsydelse og sygedagpenge) konto 39-02-mi ukiumut 19-21 mio. kr. tungaanoortartut, sukangasuumik pequssutillu malilluinnarlugit tunniunneqartarnissaat anguniarlugu siorna 2012-mi 1. novemberimiit ukioq manna junip naanissaanut misiligutaasumik qitiusumik immikkoortortaqaarfeerannguaq Qeqertarsuarmi pilersinneqarpoq Diskobugti (Attumiit Saqqamut) Qaanaarlu ilanngullugu sullissisussaq.

Taamatut pilersitsinissamik aalajangerneq tunngaveqarpoq konto 39-02-mi atuineq annertoq nakkutigeqqissaarneqarluni aqunneqartillugu misilinneqassamat, taamaaliornikkut konto-mi tassani ukiuni arlalinni annertuumik atuinerup kingunerisaanik konto 3-p iluani kontonit allaniit nussuinerit pereersut pinaveersaartinnissai qulakkeerniarsarineqarnimata aammalu kommunimi aningaasaqarniarnermut pitsanngorsaaqataaannissaa, tassa uku tunniunneqartartut inatsisigut pituttugaanerit pissutigalugu konto-mi tassani assut atuineruffiusarsimamat.

Aamma ukiuni kingullerni arlalinnortuni Naatsorsuuserisut konto 39-02-mi tunniussisarsimanernut tunngavineqartartut kukkunerit amerlavallaat pisarsimaneri uparuartortuarmatigik misilillugu Diskobugtimi illoqarfiit nunaqarfiit Qaanaarlu qitiusumit tunineqartalersinneqarput.

Suliap saqqummiunnera:

Maanna ukiup affaani misiliinerup naammassisimalernerani paasinarsivoq ikiorsiissutinik tunniussisarnermi malittarisassat piffinni tamani assigiinngitsumik tunngaveqarluni arlalitsigut tunniunneqartarsimagaluartut maannali iluarsineqalersut.

Piffissaq misiliiffiusoq tamaat qaammatikkaartumik killiffissiuinerit ingerlanneqartarput. Killiffissiuineri amerlanertigut suleriutsini aqqitassat nalunaarusiami taakkartorneqarsimasut aqqiivigineqarnissaat oqaluuserineqartarpoq.

Suliffeqanngikkallarnermi Napparsimanermilu Ikiorsiissutit pillugit misiligutaasumik ingerlatsinerput naajartulersoq misiliineri peqataasut tamarmiullutik naliliivigaat. Inerniliussarlu unaavoq; misiliineri peqataasut tamarmik immikkoortortaqaarfiup ataavartumik pilersinneqarnissaa inassutigaat.

Taamatut suliffissarsiuussisarfinni sulisut innersuussinermi pingaarnertut tunngavigaat, ulluinnarni suliassaminut piffissaqarnerulernertik iluarisimaaramikku, taamaalillutillu aamma suliffissaaleqisunik innuttaasuillumi allanik pisariaqartitsisunik ingerlariaqqitsitsiniaanissaminni aqutissiuussinermut piffissaqarnerulertullu nukissaqarneruleramik.

Taamaattoq suli maannamut ingerlaqqinnissamilu suli suleriutsini assigiinngitsualunnik pitsanngorsaataasussanik eqaallisaataasussanillu iluarisassaqaarmat, naliliineri uparuarneqartut akisussaasuusunit tusaatissatut tiguneqarlutik aqqiiviginissaat maannangaq sulissutigineqassapput.

Una misiliineq sullissinerinnakkut kommunetsinnut pitsanngoriaateqartitsinngilaq aammattaq annertuumik konto 39-02-mi siornaakkunnut naleqqiullugu atuinermik appariaateqartitsivoq. Tassa majip naanerani takusinnaalereeratsigu siornamut naleqqiullugu atuineq 4,0 mio. kr. tungaanut appariaateqartoq, taamaalillunilu missingersuusiarsineqarsimasunut qinnuteqaatigineqartaraluartutigut qaffatsinneqartanngitsunulli 12-13 mio. kr.-iusunut naapertuunnerusumik atuisoqarsinnaanera pimoorullugu anguniarsarineqarluni. Ukioq manna maannamut, misiliineri, inuit Diskobugtimeersut Qaanaameersullu 700-t missaat ikiorsiissutinik pisartagaqartut immikkoortortaqaarfimmiit sullinneqarput.

Suliarineqarnera:

Uani misiliinerup naliliivigineqareernerata kingunerisaanik maanna sulierneq tullinnguuttussanngortoq tassaassaq uuma misiliilluni ingerlatap politikikkut, ataatsimiititaliamit konto 3-mut akisussaasuusumit, akuerineqarluni ataavartumik Qeqertarsuarmi pilersinneqarnissaa anguniarnissaa, tamannalu piarnerpaamik pissasoq neriuutigineqarpoq.

Immikkoortortaqaarfiup pilersinneqarnissaa akuerineqariapat Upernavik ilanngutissaaq, kingornalu Uummannap ilanngussinnaanera aamma periarfissaqarpoq. Taamaalippat suliffeqanngikkallarnermi napparsimanermilu ikiorsiissutit immikkoortortaqaarfimmiit sullinneqartut 1.000-1.200 missaanniilissapput.

Qulakkeerinninnginnermut tunngaviuvoq maanna qaammatini sisamangortuni ikiorsiissutinik tunniussisarnermi sullissisuusut ataatsimoorlutik ineriartoqatigiinnertik suli ingerlammassuk, aammalu suli pisariaqarluni ineriartoqatigiikkallarnissaat ilaatigut suleriutsini qulaajangassat tamakkerlugit qulaajarsimanissaat pingaaruteqarmat.

Taamaattumik uuma suliap naammassineqarnissaa anguniarlugu Inuusutissarsionermit, Aatsitassanut, Takornariaqarnermullu Ataatsimiititaliamit aalajangerneqartussanngorlugu ingerlatineqarpoq, tamatumalu kingorna Aningaasaqarnermit Ataatsimiititaliamut inassuseqaatitalerlugu ingerlateqqinneqassalluni.

Immikkoortortaqrifiup inuttalersugaanera:

1 afdelingsleder, arbejdsmarkedskonsulentitut atorfeqareersoq aqutsisutut tapimik tunillugu.
1 Overassistent, atorfik nutaaq.

Inassuteqaat:

Inassuteqaatigineqarpoq qitiusumik allaffiup ataavartumik pilersinniarneqarnera akuerineqassasoq.

Ilangussat:

Peqataasut tusarniaanermut akissutaat
Immikkoortortap naliliinera
Konto 39-02-mi aningaasatigut ineriartorsimanermit takussutissaq.

25.06.2013 IATA-mi aalajangiineq:

Suliap killiffia iluarisimaarneqarpoq. Inassuteqaat akuerineqarpoq. Suliarlu ingerlaqqissasoq aaliagiiffigineqarpoq.

Suliap Aningaasaqarnermit Ataatsimiititaliamut ingerlateqqinneqarnera:

Suliap AA-mut ingerlateqqinneqarnera annerpaamik tunngaveqarpoq immikkoortaqarfimmi pilersinneqartussami sulisut inissititerneqarnerata akuerineqarnerata pisortatigoortumik naqissuserneqarnissaanik, tamanna sulisut pineqartillugit malittarisassatigut piumasaqaataammat.

Uani immikkoortortaqrarfimmi pilersinneqartussami sulisut marluussapput, ima atorfeqartussat;

- Afdelingsleder, Qeqertarsuarimi Piareersarfimmi arbejdsmarkedskonsulentitut atorfeqareersoq immikkoortortamut pilersinneqartumut taamatut atorfeqaannarluni aqutsisunngorlunili nuunnassaaq, maanna akissarsiarisami saniatigut aqutsisutut tapimik tunineqaannarluni.
- Overassistent, atorfik nutaaq. Atorfik kommunep iluani inuttassarsiorneqassaaq. Atorfik pilersinneqartoq ingerlatsivimmi immikkoortortaqrarfimmit arlalinnit aningaasaliiffigineqarluni pilersinneqassaaq.

Atorfiit qulaani taaneqartut kingunerisaanik nalimmassaaneq ilangullugu una qinnuteqaatigineqarpoq;

- Aqqutissiuussisutut/Vejlederitut atorfik nutaaq. Qeqertarsuarimi Piareersarfimmi arbejdsmarkedskonsulentiusup AMKY-mut nuunneqarnerata kingunerisaanik vejlederitut atorfiup pilersinneqarnissaa ilangullugu qinnuteqaatigineqarpoq. Vejlederimik atorfinitsitsisoqareerpat overassistentitut atorfik piusoq imminnermini atorunnaarsinneqassaaq, taamaalilluni maanna o.ass.-itut atorfeqartup vejlederitut atorfinitsinneqarnissaa siunertaaginnarluni.

Nalimmassaaneq kommunemut aningaasartuuteqarnerulernermik kinguneqassanngilaq, aningaasartuutit tamarmik konto 3-p iluaniit matussuserneqassammata.

Inassuteqaat:

Inassuteqaatigineqarpoq qitiusumik allaffiup ataavartumik pilersinniarneqarnera akuerineqassasoq, taamaalilluni sulisutigut nalimmassaaneq siunniunneqartoq pisinnaaqqullugu.

Ilangussat:

Peqataasut ataatsimut naliliinerannit imaqarniliaq.
Immikkoortortap naliliinera.
Peqataasut tusarniaanermut akissutaat.
Konto 39-02-mi aningaasatigut ineriartorsimanermit takussutissaq.
IATA 25.06.2013 akuersineranit imaqarniliaq.

Aalajangiineq:

Suliaq nr.	KOM 13-1026	Bilag nr.	003	Journal nr.	02.00
Qulequtaq	Allaffissornikkut nutaamik aaqqissuusseqqinnissamut oqallisissiamut tapiliusaaq, innuttaasunik sullissivik.				

Naalisaaneq:

2009-imi januarip 1-ani kommunit kattussuunneranni, allaffissornikkut nutaamik aaqqissuusisoqarpoq. Qullersaqarnikkut nutarterisoqarnerata saniatigut kommunit sisamaasut akornanni isumaqatigiis-sutaasunik fagchefitut atorfiit arlallit pilersinneqarput. Taakkua illoqarfinni ingerlatsiviit pisortaannut arlaliusunut taartigitinneqarput. Illoqarfigisami sullissinerit sullissivinni immikkoortortaniillu arlaliusunit ingerlanneqalerluni fagchefimut suliatigut aningaasaqarnikkullu tunngasutigut attaveqartin-neqarlutik. Aaqqissuusaaqnerup taamatut aalajangiiffineqarneranut siunertaavoq, pisinnaatitaaffitsigut pilersaarusiortarnerup suleriaasissallu suliarineqartarnerisa kommunimi sumiikkaluaraanniluunniit kommunini innuttaasunik sullissinikkut assigiissaartumik ingerlatsisoqalernissaa.

Assigiissaartumilli sullisseriaaseqarnissamut naleqqussaaqnerup ingerlanneqarnera 2009-imi takor-loorneqartumiit ajornakusoornerusimavoq. Aningaasaqarnermut ataatsimiititaliap kommunalbestyrelsil-lu kommunip aaqqissuusaaqneranik nalilersuisoqarnissaa 2011-imi kissaatigisimavaat, innuttaasunik sullissinerup pitsaassusaata allaffissornikkullu aaqqissuusseqqinnerup nalilersuiffineqarnissaa siunertaralugu. Nalilersuinerlu tamanna 2011-imi majimi aallartinneqarpoq maannalu misissuinerup inerneru aaqqissuusaaqnikkullu nutartereqqittoqarnissaanut pisortat /innuttaasunik sullissiviit akornanni akisussaaffinnik agguataarinissamut oqallisissiaq naammassineqarluni.

Aningaasaqarnermut ataatsimiititaliap 2011-imi septemberip 19-ani ataatsimiinnermini kommunimik aqutsineq nunap immikkoortuinut marlunnut avinneqassasoq aalajangiiffigaa. Maannakkullu aningaasaqarnikkut allaffissornikkullu inissisimaneq tunngavigalugu aaqqissuusaaqnerup ataqatigiissa-gaanera allaffissornermiit allannguuteqartinneqarnialerpoq. Aalajagerneqarsimavoq allaffissornikkut marloqiusamik avitsilluni aqutsisoqassasoq. Maannakkut aningaasaqarneq allaffissornerlu eqqarsaati-galugit aaqqissuusinerup iluarsisummik sanasoqarpoq.

Suliat saqqummiunneqarnera:

Innuttaasunik sullissinerup aaqqissuuteqqinneqarnissaa pillugu suliat qullersat oqallisigereerpaat. Isumaqartoqarlunilu allaffissornikkut aningaasaqarnikkullu ungasianiik marloqiusamik ingerlatsinissaaq aqutsisoqarnikkut ingerlatsineru aaqqiivigineqarnissaa naleqqutinngitsoq. Innuttaasunik sullissivinni aqutsisunut illoqarfinnilu allaffissorneru annerusumik akisussaaffiliineq, innuttaasup najugarisaani innuttaasunik sullissinerup pitsaanerullunilu aalaakkaanerulernissaanut qularnaannerussaaq. Tamannalu aaqqissuusaaqnikkut annikitsuinnarmik allannguinerussalluni. Aningaasaqarnermut sullissivinni suliat ataatsimoortinneqarnerisa pitsaasumik ingerlariaaseqarnerat attatiinnarneqassaaq, tamatumanilu innuttaasunik sullissivinni innuttaasunik sullissisarneq sulii aallulluarneqarnerulerluni.

Aaqqissuusaaqnerup allannguutissaa:

Atuutsinneqartunut taarsiullugu Aasianni Ummannamilu aningaasaqarnermut sullissiviit marluk pilersinneqassapput suliat suliarineqartarneri taakkunani ataatsimoortinneqalerlutik. Missingersuutileri-sarneru akisussaaffik pisinnaatitaaffiliisarnerillu maannakkutuut immikkoortunut marlunnut avissaangajunnaartillugit. Sulianik aqutsineq, nalunaarusiortarneq misilittakkanillu katersisarneq soorluttaaq aamma avitseqatigiittarneq Innuttaasunik Sullissivinni aqutsisuniilissaaq. Aningaasaqarner-mut sullissivimmi aqutsisup immikkoortortamini sulisoqarnermut tunngasut taamaallaat isumagisarilis-sallugit.

Eqqaavilerineq anartarfilerinerlu – Ilanngunnermut taamaatitsinerumullu nalunaaruteqartarnerit Sullissivinniiginnassapput, kisianni winformatikkimut nalunaarsuineq Ummannami Aningaasaqarner-mut Sullissivimmi suliarineqartassalluni.

A-bidraginik – Qinnuteqartarneq Sullissivimmiiginnassaaq, kisianni sullisineq Aasianni Aningaasaqarnermut Sullissivik suliarineqartassalluni.

Piniarnermut Aalisarnermullu – tunngasunut saaffiginnittarneq sullissisarnerlu Sullissivimmiiginnassapput. Allanguuteqaratik taamaattorli, illumi suleriaatsit Namminersornerusullunillu suleqateqarneq pitsanngorsaavigineqarsinnaapput.

Pisortanit ikiorsiisarneq suliffissarsiuussisarfimmiillu sullissisarnerit – Pisortanit ikiorsiissutinik pisartagaqalernissamut qinnuteqartarneq Sullissivimmiiginnassaaq.

Pisortanit ikiorsiissutinut tunngatillugu sullissinermi:

- nunaqarfiit Aasianni Aningaasaqarnermut Sullissivimmi sullinneqartassapput
- illoqarfinni Sullissivinni Isumaginninnermi allaffinni sullinneqartassapput

Qullersaqarfiup allattoqarfia Sullissiviillu suliassaqarfiit ukua isumagisarilissavaat:

1. Illoqarfinni ingerlatsinerlut, missingersuutinut sulisunullu akisussaaffiit.
2. Kommunini sulisoqarnikkut politikkip atuutsinneqarnera.
3. Qullersaniit suleriaasissat innersuussutaasut fagchefinit malinneqarnissaasa qularnaarnissaat.

Aqqissuussaanerup allanngortinneqarnera ataani titartaganngorlugu takussutissiarineqarpoq:

Aaqqissuussaaniqut ilulissaq
nutaq



Aaqqissuussinermi siunertaavoq, sullissiviit toqqaannartumik innuttaasunut attaveqartarnissaat, paasissutissanik tigooraasarnissaat aalajangiinissanullu tunngaviliillutik. Suliani erngertumik suliarisarialinni, suliat sullissivinni aalajangiivigineqartarlutik.

Suliassani najukkami aalajangiinissamut pisinnaatitaaffeqarfiginngisani Qullersaqarfiup allattoqarfia suliap iliuuseqarfiginissaanut pisinnaatitaaffeqarpoq, kiisalu Sullissiviit illoqarfinni sulisoqarnermut missingersuutinullu tunngasunut akisussaallutik.

Aningaasaqarnermut Sullissiviit Aasianni Ummannamilu inissisimassapput. Illoqarfinni taakkunani tamani Innuttaasunik Sullissivinni aqutsisoqassaag, Innuttaasunut Sullissivimmut akisussaasunik.

Sullissivik		Aningaasaqarnermut Sullissivik	Atorfilittat	Qullersaqarfi k
- Saaffiginnittarfi k	- Isumaginninnermi allaffik - Suliffissarsiuussisarfik - Teknikkeqarnermut allaffik - Piniarnermut Aalisarnermullu allaffik	- Aasiaat - Uummanaq	- Naatsorsuuserivik - Akissarsialerivik - allallu	Qullersaqarfi k
Sullissiviit saaffiginnittarfi-inut innuttaasunik toqqaannartumik sullissinermut tunngassutillit inissisimassapput. Tassani sullissin-gasuarsinnaanerit sulianillu piareersaanerit pisassapput.	Sullissivinni allaffiit ikiorsiisarnermik sulianik najugarisami suliarineqartussat Aningaasaqarnermullu sullissivimmut ingerlatitassatut naleqqutinngitsut isumagineqartassapput.	Aningaasaqarnermullu allattoqarfiit ikiorsiisarnerni sullissinerit isumagissavaat, taamaaliornikkut iluaqutaasumik suliaasaqarfimmik tamatuminnga qitiusunngors-aasoqarsinnaalluni.	- Naatsorsuuserineq -innuttaasup kontoanut nuussisarnerit - allallu.	Qullersaqarfiu p suliaassat toqqaannartumik innuttaasunut attuumassuteq artut ingerlattassanngilai

Aaqqissuussaarnermik allannguinnikkut allaffissornikkut suliaassat arlaqartut Sullissivinniit Aningaasaqarnermut Sullissivimmut imaluunniit Qullersaqarfiup allattoqarfianut nuunneqassapput. Taamaaliornikkut najugarisami sullissivinni innuttaasunik sullissinikkut pitsanngorsaanerit aallulluarneqarnerulissapput, suliaassat sukkanerusumik suliarineqartarlutik aammalu suliat nukinginnartut qularnaannerusumik aalajangiivigineqarsinnaalerlutik.

Aammattaaq kommunimut attavissaq ataasiinnaatillugu sumiluunniit najugaqaraluaaraanni assigiimmik sullinneqarnissaq taamaaliornikkut qulakkeerneqassaaq.

Aningaasatigut kingunerisassat:

Innuttaasunik sullissinerup aaqqissuuteqqinneqarneratigut ilimagineqarpoq tamanna kommunit ukiumut 1,0 mill. sipaarutaalersinnaassasoq. Sipaarutigineqarsinnaasut sullissivinni assigiissaarnerusumik sulisoqalernikkut kiisalu fagchefitut atorfiit marluk allatut inissinneqarnerisigut illoqarfinnilu kingusinnerusukkut atorfinnik suleriaatsinillu naleqqussaannikkut anguneqarsinnaapput. Suleriaatsinik pisariillisaanikkut aaqqissuussaannikkullu pissutsinut ajornannginnerusumik appakaassinnaalernissaq anguneqassaaq suliallu aalajangiiffiginissaannut utaqqissarnermut sivikinnerulersitsissalluni.

Inassuteqaat:**Allattoqarfiup inassuteqaatigaa,**

- **Allaffissornikkut allannguissamut oqallisissiaq aningaasaqarnermut ataatsimiititaliap akuerissagaa.**

Najoqutassatut ilanngussat:

1. Nalunaarusiaq

Aalajangiineq:

--

Suliap nr.	KOM 13-1027	Tapil. nr.	003	Journal nr.	75.20
Sammisaq	Qaasuitsup Kommuniani bundgarnersorneq pillugu ileqqoreqqusaq.				

uteqqiineq:

Qaasuitsup Kommuniani bundgarnersorneq pillugu ileqqoreqqusassatut siunnersuut 23. November 2011 kommunalbestyrelse-p akueralugu suliarivaa.

Suliap saqqummiunnera:

Kommuunimi ileqqoreqqusassaq pillugu ukioq 2011-mi aalisartut peqatigiiffii / kattuffii tusarniaavigineqareerlutik ileqqoreqqusassatut siunnersuut kommunalbestyrelse-mut suliassanngortinneqarpoq ulloq 23. November 2011, suliap nr. KOM 11-054-tut atserlugu.

Ileqqoreqqusassatut siunnersuut kommunalbestyrelse-mit akuerineqarluni atsiornilerlugu naalackersuisoqarfimmut nassiunneqarpoq.

Kommunalbestyrelse-p ileqqoreqqusassatut siunnersuut akuerissutigisaa naalackersuisoqarfimmi inatsilerituunit misissoqqissaarneqareerluni ukioq manna Qaasuitsup Kommunianut utertippaa suliareqqitassanngorlugu.

Ileqqoreqqusassatut siunnersuutip paragraffikkaartumik suliarineqarnerani isumaa allanngortinngikka-luarlugit oqaaseqatigiit allanngortiterneqarput oqaasilerituut siunnersuutaat malillugit.

Allanngortinneqartut:

- Qulaani inatsisit aallaaviusut tamakkerlugit allanneqarput.
- § 1, imm. 1. Oqaaseqatigiit allanngortinneqarput.
- § 2, imm. 1. Oqaaseqatigiit allanngortinneqarput.
- § 3. Oqaaseqatigiit allanngortinneqarput.
- § 4. Oqaaseqatigiit allanngortinneqarput.
- § 6 imm. 1. Oqaaseqatigiit allanngortinneqarput.
- § 6 imm. 2. Pilersinneqarpoq.
- § 7 imm. 2. Oqaaseqatigiit allanngortinneqarput.

Inatsisitigut tunngavissat:

Inatsisartut aalisarneq pillugu inatsisaat nr. 18, 31. oktober 1996, § 23 imm. 2, § 33 imm. 2 aamma § 34 imm. 3, aalisarnermut inatsisip Inatsisartut inatsisaat nr. 12, 3. december aqutugalugu allanngortinneqartoq.

Kingunissai:

Qaasuitsup kommuniani innuttaasut assigiimmik malitassaqaalernerat aalisarnermilu assigiissaarineq.

Aningaasatigut kingunissai:

Kingunissaqanngilaq.

suliarineqarnera:

2011-mi aalisarnermut piniarnermullu ataatsimiititaliamit suliarineqarpoq.

Inassuteqaat:

Suliap siullermeerluni suliarineqarnerani ileqqoreqqusassatut siunnersuutigineqartup akuerineqarnera naapertorlugu oqaaseqatigiit allanngortinneqarneri aamma paragraffit allannguutaat ilanngullugit akuerineqarnissaa inassutigineqarpoq.

Ilanngussat:

Aalajangiineq:



Suliap nr.	KOM 13-1028	Tapil. nr.	004	Journal nr.	75.20
Sammissaq	Kommunit nakkutilliisoqarfianniit nalunaarusiaq				

Uteqqiineq

Nalunaarusiaq ilanngunneqarpoq atuagassanngorlugu.

Aalajangiineq:



Ilisimatitsissutit:**Ilaasortat siunnersuutaat ataatsimiittitaliani allaffissornikkulluulluunniit suliareqqitat.****Kommunalbestyrelsemut ilaasortaq Sakio Fleischer siunnersuuteqarpoq.****Umiatsiliveqarneq**

Kommunalbestyrelse-p ataatsimiinnissaani 8. august 2013 siunnersuutingaara Ummannap illoqarfiani umiatsiliveqarfiata pitsanngorsarneqarnissaa. Ummannamik nalunninngitsut ilisimavaat Ummannami umiatsiliveqarneq qanoq ajornartorsiutaatigisoq, sila anorlerajuleraangat umiatsiat malliortualersarput taamaalillutillu annertuumik angallatit imminnut kallussaatileraangata aserortajaarnerit pisarlutik, ilaatigut aamma oqaatigineqartariaqartoq unaavoq, ukiuni kingullerni silaannaap allanngoriartornerata nassatarisaanik iluliarsuit angisuut umiarsualivik saangertapaa ikkarlinnerminnillu aserorlutik annertuumik angallatinik aserortajaarisalernikuullutik.

Siunnersuut:

Kangerloqqissup paavatungaata milinneqarsinnaanerata misissorneqarnissaanik, taamaalilluni puttasulersuinikkut umiatsiat arlariit malimmit akornusersorneqaratik inissimalersinnaapput, aammalu ilulissat aserornerinini angallatit aserortajaarnissaat pinngitsoorsinnaallutik. Kangerloqqissup paavatungaa heliport ataaniit ikkarlummut sapuserneqarsinnaanera misissorneqarnissaa siunnersuutingaara.

Kommunalbestyrelsemut ilaasortaq Sakio Fleischer siunnersuuteqarpoq.**Eqqaaveqarneq/Ikuallaavik**

Kommunalbestyrelse-p ataatsimiinnissaani 8. august 2013 siunnersuutingaara Ummannap illoqarfiani eqqaavissuup iluarsiivigineqarnissaa. Maannamut illoqarfitsinni ajornartorsiutaasup annertoq oqaatigineqartariaqartoq tassaasoq eqqaavissuup. Ukiuni arlalinni eqqaavissuup ikuallanqartarnerani pujoq annertoq illoqarfimmu siaruaattarpoq ajornartorsiutaalersarluni annertuumik. Pingaartumik imeqarfitta tungaanut pujoq ingerlaartuuartillugu imeqarfik annertuumik migutsinneqalersarpoq, paasisallu kingullit imeqarfitta kuldioxid akuata killissarititaa angungajalersimallugu. Tamanna ilaatigut Ummannami nakorsamik misissorneqarsimavoq, peqqissutsimut akornutaalersinnaanera aammalu imeqarfik ulorianartorsiortsinneqartoq aqqivinginiarlugu missiusoqartariaqarpoq.

Siunnersuut:

Eqqaavissuup aqqivigineqarnissaanik matumuuna siunnersuuteqarpoq, ilaatigut Namminer-sorlutik Oqartussat peqatingalugit misissuisoqartariaqartoq, immaqqa ikuallaaviliortoqarsinnaanera allatigulluunniit aqqivineqarnissaa qulaarlugu misissortariaqarpoq. Akuersaagin-narneqarsinnaanngilaq eqqaavissuup illoqarfimmu aammalu imeqarfimmu migutsitsinera.

Kommunalbestyrelsemut ilaasortaq Sakio Fleischer siunnersuuteqarpoq.**Anartarfeqarneq.**

Kommunalbestyrelse-p ataatsimiinnissaani 8. august 2013 siunnersuutingaara Ummannaq eqqaanilu anartarfeqarnertigut misissuisoqarnissaanik. Ulloq manna tikillugu anartarfinnik aniterineq anartarfiit spanditaanik aniterisut illunut iseqattaarnikkut ingerlattarpaat, tamannalu ullumikkut pissutsit taamaattut akuersaarneqaannarsinnaajunnaarlutik. Sulisut aqqatitik peqqaarnagit matut tigummivii tigusarpaat naak anartarfinnut imaakkaminnut atortaarualugit, taamaalillunilu anitserernerup kingorna inuit matut tigummivii tigusarlugit. Peqqinissaq eqqarsaatigalugu aammalu ullumikkut TB-ip nappaatillu allat pinaveersaartinnerannut akerliulluinnarpoq. Ilanngullugu eqqaaniarpara anartarfilerissutit maanna Ummannap illoqarfiani atorineqartartut ima aserfallalluinnarsimatigilerput, saneraani kueraavik ima ussiitigilersimavoq allaat ukiukkut apummi takuneqarsinnaasarluni annertuumik aqquisinikkut kunnarat, tamanna akuersaarneqarsinnaanngilluinnarpoq.

Siunnersuut:

Ummannap eqqaanilu arnarfitsigut pitsaannorsaanissaq siunertaralugu misissuisoqarnissaa

matumuuna siunnersuutingaara, ilaatigut anartarfiit kuuinnartut, kuuffilersuinerit aammalu pisariaqarpat tankinik illunut imminut qanittunut pilersuisinnaaneq eqqarsaatingalugu. Ajornartorsiut annertoq qimanneqassappat misissuititsinissaq pisariaqarluinnarpoq.

Ilaasortat apeqquteqaataat allaffissornikkut akisat.

Atsiorfissaq:

Ole Dorph

Jess Svane

Kristian Jeremiassen

Enok Sandgreen

Palle Jerimiassen

Jens Danielsen

Bernhardt Olsen

Kristian Broberg

Sakio Fleischer

Ole InûsutoK' Frederiksen

Jens Imanuelsen

Jørgen Kruse

Jens Kristian Therkelsen

Bendt Broberg Kristiansen

Peter Olsen

Hans Aronsen

Ane Hansen

Jens Vetterlain

Masauna Peary

Knud Kristiansen

Naja Petersen
